

Craiov. Stud. Univ. Jagell.  
Promotio Philos. Ordinis  
1664 VIII. Aprilis



1146

kat.komp.

L. Mag. St. Dr.

P

Krauzowski Blasii Sgnatus: Votivus cotona-  
rum nexus ingenuis XX primae lau-  
reae Candidatis — dedicatus.



Biblioteka Jagiellońska



stdr0001099





VOTIVVS  
CORONARVM  
NEXVS,

INGENVIS XX. PRIMÆ LAVREÆ  
CANDIDATIS,

*Dum*

*Per Excellentissimum ac Doctissimum Dominum,*  
M. JOANNEM MACHATAR  
Philosophiæ Doctorem & Professore, Collegam

Minorem,

IN

CELEBER: ACADEMIÆ CRACOVIENSIS  
PARNASSO

*Primâ in Artibus & Philosophia Laureâ ritu solenni*

INSIGNIRENTVR,

Amoris & gratulationis ergo

*A*

BLASIO IGNATIO KRAVZOWSKI  
ejusdem Laureæ CANDIDATO,

Festino Cytharæ Applausu

DEDICATVS.

*Anno Domini, M. DC. LXIV. Die VIII. Aprilis.*


\*\*\*\*\*

CASIMIRIÆ ad CRACOVIAM,

In Officina Typographica BALTHASARI SMIESZKOWICZ  
Typographi.



IN STEMMA  
ILLVSTRISSIMÆ ET VETVSTISSIMÆ  
DOMVS  
PRZYIEMSCIORVM.



Multarum domitrix fertur Dictynna ferarum,  
Quam tamen hæc vicit mascula Virgo Deam.

Conficit illa feras iaculis, vrgetq; sarissis  
Vrsam, Virgineâ sed domat ista manu.

Robora quanta virûm sint? hoc de stemmate cense  
Virgo trucem potuit si domuisse feram.

ANDREAS TRETERVS stud. Poet.

1146 I





ILLVSTRISSIMO DOMINO,  
D. P E T R O  
A PRZEYMA  
P R Z Y E M S K I  
CASTELLANO SREMENSI  
DOMINO AC PATRONO FAVENTISSIMO,



*Oronas Academice Iuuentuti textas, Tuo Illustrissime Domine, non tam capiti fero, quam Dexteræ; neq; enim Senatorium verticem umbratilibus fas duxi innectere Coronis, cui Regalis etiam Diadematis pondus fidenter incumbit. Phæbus licet & Hercules, ceteraq; mentita Deitatis colluies, ambitioso quondam pares coronas quaesierint certamine, infra Tuum tamen ille subsident Genium, quem felicissimus Sarmaticæ Maiestatis Iuncus, Coronato ambit Vimine, & in Regalium consortia adlectum curarum, leuandi Diadematis honore dignatur. Ludere duntaxat Coronis nostris poteris, ante Dexteram Tuam (quam Agoni Olympijsq; nostris Patronam poscimus) depositis; quæ tanto splendidior cinctu Laureata circumtrent capita, quanto plus ab inclita Magni Dynastæ manu decoris deriuabunt. Vel ipsa Gentilitia stirpis Tuae Virago, disiecto circum crine libera, nescit aliud nec patitur, Capitis Ornamentum, præter id, quod de Munifica Dominantium tractum manu,*  
Augusto



*Augusto hodieq; vertice circumfert. Licuerit alijs Externas hactenus prensasse Coronas, PRZYEMSCIANÆ Propaginis æternus honor est fide erga Dominos coronari & Capita sua alteri quam domesticæ Coronæ non submittere. Quam multorum auidas mentes nuper, Trina illa Septemtrionis rapuerant Diademata? ut vel inde seruiles animos disceres, quod tam facile sub alienis, venales prostant Coronis; ceterum Gentilitia Virgo Tua nunquam aduenarum fauoribus obuia, etiam tum intra Natiuæ conscientiam ac decus hæsit Coronæ, & innodem capitis cæsariem, nullo externæ Fasciæ implicuit nexu. Quidni enim Sueticam dedignaretur Arcton vrsarum domitrix, ac illi quoq; que pigro urgetur Boote formidanda? quidni fallacia peregrinæ potestatis fastidiret crepundia, digniore iam olim Regij Diadematis insignita crinili. Satis semper PRZYEMSCIANÆ virginī ad gloriam fuit, quod summus Regni nostri Apex, non modo capiti eius ad ornamentum, sed fideli etiam gremio ad tutamentum, sapius concreditus sit, atq; fessa curarum mole suprema Maiestas in huius sese Virginis constantiam Externorum procorum amoribus prorsus imperuiam, securè inclinarit. Hoc in Magno Tuo Parente, hoc in Teipso Suppari Filio palam vidimus; dum illo quidem summum totius Aulæ Magisterium tenente, Regales fasces, tanti Marschalci innixi Lituo pulchrius effluerent. Te verò ad Sremsensem cuncto Curulim, SERENISSIMVS JO-ANNES CASIMIRVS, optimè gloria perennitatig; suæ consultum putauit, quod in fide Integritate, Prudentiaq; Tua, eandem deposuit. Regalis itaq; Diadematis assecla, Regali itidem Diademate cinctæ Virginī Tuæ, quid ego lectas ex hispidis Camænarum iugis ingeram coronas? & Augustum verticem indigestâ sertorum mole onerem verius quam honorem? Pedibus tantæ Virginis aduoluatur licet tota hæc Coronaria strues, idq; suo magis quam illius Bono, ne ex Umbra Academica in solem prolata ac Lucem, sine protectrice Umbra emarcescat. Hanc Umbra dum supplex mihi meisq; laboribus ambio, inculto etiam operi, quodq; hyberno effotum est in frigore, sub Senatoriæ Tropico Protectionis, ver nouum, ac virorem vigoremq; suum accessurum spero; ea enim Gentilitiæ Virginis Tuæ dos est ut quidquid calcauerit id Rosa fiat.*

*Illustrissimæ Dominationis Tuæ*

*æternum deuotus*

*BLASIVS IGNATIVS KRAVZOWSKI, Primæ Laureæ Cand.*





MAGNÆ  
CÆLORVM TERRARVMQVE REGINÆ,  
Duodecim Stellis coronatæ,  
Magnorum fasciâ meritorum reuinctæ,  
Diademate omnis Gratia, & omnis pulchritudinis redimitæ,  
MIRACVLOSE DEIPARÆ VIRGINI MARIE,  
IN ZDIESZ AD BOREK,  
Thronorum & Potestatum  
DOMINÆ.

*Ante cuius Thronum mittit coronas suas Poëta.*



Vid juuat castam redimire frontem?

Parua lapsurûs citò Sêcla donis?

Quis Tuo dignum diadema Virgo

Vertice fixit?

Cui caput Phæbo radijs corusco

Splendet : insignis facies decoris

Plena ; bisseis facibus micantes

Proijcit ignes.

Cynthia cornu pedibus recuræ

Subjacet ; Titan famulatur, altam

Circuit frontem, varijs refulgens

Flamma lapillis.

Virgo millenis speciosa donis,

Arca Cælorum, Genitrixq; MAGNI

Numinis, pulchros cui lambit ipsa

Gloria crines.

Splendor auroræ tenet innocentis

Purpuram vultûs : nitidosq; passim

A

Spargit



Spargit aspectus : decus omne castâ  
Fronte redundat.

Quid coronatam Tibi nunc cateruam  
Sub jugum mitti faciam, superni  
O Poli Princeps ; pedibusq; subdi  
Serta benignis.

Cujus ad nutum riget amnis Orci,  
Cælites parent, regimenq; **MAGNÆ**  
Præsidis nôrunt, Dominamq; adorant  
Millia Diuûm.

Attamen vates agitatus almi  
Spiritu Phœbi ; pia vota nostræ  
Audeo Musæ **TIBI** sancta, supplex  
Mittere Mater.

Cerne Pimplæum decus , & coronæ  
Laureæ munus cape, Magna Princeps,  
Atque calcatis pede sertâ, nostris  
Frontibus inde.

**CLARISSIMIS, ET EXCELLENTISSIMIS DOMINIS,**  
*Clarissimo & Admodum Reuerendo Domino,*

**M. SIMONI STANISLAO MAKOWSKI,**  
Collegæ Majori, Artisticæ Facultatis **DECANO**, Canonico ad  
S. Annam, Concionatori in Eccl : Cath : Crac.

*Clarissimo & Doctissimo Domino,*

**D. MARTINO RADYMINSKI,** Collegæ Majori,  
Professori Tradnowiano.

*Excellentissimo ac Doctissimo Domino,*

**M. JOANNI BROZENA,** Ph. Doct. & Profess : Collegæ Min.  
**EXAMINATORIBVS** Laureæ nostræ dignissimis.

*Coronam Gloriae & Sapientiae vouet Auctor.*



**J**am iam Camena congeminent melos,  
Dulciq; plectro iam resonet Chelys;  
Apollo Musas cogat omnes,  
Conueniant Triuia sorores.

Vos Laureati Thespiadum Chori,  
Nostris daturi præmia frontibus,  
Adeste Principes, Virisq;  
Promeritis numerate Laurus.

Sophûm, MAKOWSKI fax rutilans; viris  
Dilecte magnis; Eloquij decus  
Sacri; Stagyræ, floridaq;  
Grande iubar Charitum Corona.

Est magna docto res Choro Apollinis  
Iungi, Stagyræ Castra gubernio  
Suo tenere, totq; celsis  
Eminuisse sophûm cateruis.

Hoc præstat ingens cura, laboribus  
Immersa duris: atq; scientiæ  
Penu refertum, quod Sophorum  
Summus apex veneratur in Te.

Quid Te Mineræ sauromatûm iubar  
ORADYMINSKI! quidue BROZENATE  
Sydus Mathe' eos coruscum  
Cecropio memorem corymbo?

Vos auiternis gloria laudibus  
Feret decoros; vos Helicon sacer,  
Cyrreæq; fontes eruditi,  
Plectraq; Pieridum loquentur.

Vos dona magnæ Sauromatum scholæ,  
Augusta doctis munera frontibus,  
Gazâ fouetis literatâ;  
Promere Pegaseas coronas.



*Soli potentes, florigerum Nemo*

*Plantare; Sacra cingere Delij.*

*Caput coronâ: quod reuincti*

*Temporibus recinamus Io!*

*Ergo Coronas qui modò Olympicas,*

*Nostro vouetis texere vertici,*

*Vos summa virtus, vos perenni*

*Cinget honos, memorandus æuo.*

EXCELL: AC DOCTISSIMO DOMINO,

M. JOANNI MACHATAR, Coll: Minori, Phil: Doct.

& Professori, PROMOTORI dignissimo,

Coronam vitæ apprecatur Vates.

O Quo Pierij iustissime Censor honoris  
Gloria te celebrabit æuo?

Aut quæ fama tuum pulchro per plurima ductu  
Sæcula; Nomen in astra voluet?

Stoæ MACHATAR decus, excellentius omni  
Sydere, delictumq; Musæ,

Effusis dùm nostra cohors Te spectat ocellis  
Adproperatq; inamœna Phæbi

Templa: sacro velut ecce sonas de culmine Pindi  
Incluta munera dans coronas.

Eximium te Phæbus habet; te sancta sororum  
Turba, choriq; jubar mitrati

Condignum resonat; qui fultus Apolline dextro  
Nos meritis decores coronis.

Quod dùm Palladij præstas in fronte Senatûs,  
Ore; Nectareo triumphas;

Mille Tibi plausus, meritæq; Encomia laudis  
Ingeminat sacra turba vatium;

Proq;



Proq; Coronarum dono, quæis Tempora nobis  
Cingis ouans, Academiæq;  
Nos sobolem reddis genuinam, dant Tibi vitæ  
Perpetuò viridem coronam,  
Immortale decus, longissima quod Tibi Sæcla  
Nestoreamq; ferat senectam.

I. V. D. JOANNI LOCHMAN, Cracou:  
CORONAM OLYMPICAM.

*Hæc solita fuit conferri in certaminibus Olympicis, in honorem Iouis institu-  
tis. Fiebat autem ex ramis arboris Callistephanos, quam Aristoteles vult  
esse oleam ab Hercule plantatam,*

Offert Poëta,  
LEMMA. Sudor insignes iter ad coronas  
Monstrat. Mant. Poeta.

JNcyti proles generosa Craci  
LOCHMAN, Arctoa genuina Musa  
Cura, Dictæus cui sarta texit  
Iuppiter ipse.

Quid Sophocleis celebrem coturnis  
Te decus Phæbi? Cytharæq; vatum  
Dona decantem? cui destinatum

Omine fausto  
Iure debetur diadema, mensq;  
Artibus pollens, sibi nexa poscit  
Serta: sublimescq; animi ferunt ad  
Sydera dotes.

Te Patris clari memoranda virtus,  
Vrbis augusto residens Senatu,  
Extulit, quam Tu meritis, Tuq;  
Nomine adauges.



Dignus, auratam cui pondo centum  
Pendat ex alta DEVS arce mitram;

Quo pius strinxit Macedo statori  
Tempora voto.

Sudor hinc multas Tibi literari

Pulueris doctas numerat Coronas,

Herculis plantæ similes, amicæ

Symbola Pacis.

Quæis coronatus, Sophiæ togatos

Inter Athletas, potiore præsis

Ceteris lauru, superans Olympum

Præpete famâ.

Sic Tibi magnus Pater ipse vota

Delius spondet, meritiq; grata

Annuat Laurus, Tibi quæ perenni

Frondeat ævo.

II. V. D. BLASIVS JGNATIVS KRAYZOWSKI,  
CORONA GYMNICA à Concandidato suo insignitur.

III. V. ac R. D. MATTHIÆ FRANCISCO STAWIARSKI,  
Sacri Ord: Præmonstr: Conuentus Hebdouienfis Prof: Can:

CORONAM IOVIS consecrat Vates.

Vt cuiq; Numini sacra erat arbor, ita eius frondis Corona habebatur in honore ait Timmachidas in lib. de Coro. Ioui Esculus sacra erat teste Plin. lib. Nat. hist. 12. cap. 1. quod cum esset glandifera, & eius fructu, aureâ illâ etate vescerentur homines, religionis esse putârunt ex ea illi sacrata coronas struere, qui eos defectu frugum hac arbore sustentauit.

LEMMA. Destinet Æthereus cui sua ferta Pater, Mart. lib. 9.

Q Vando vireta Gratiarum florida,  
Dilecte STAWIARSKI pio scandis pede,

Te non



Te non amaris nec rosis, nec lilijs  
Cerno reuinci, non fragrantem carpere  
Nardumq;, Narcissumq; tinctum purpurâ.  
Insueta fers, sed magna felix munera,  
Nam fronde cingi quid notat quæso Jouis?  
An non sacratâ fasciâ, pium Dei  
Cultum, ligato connotare pectore?  
Quem castus ordo destinavit Laureis,  
Expertus omnis in DEVM mentis piæ,  
Et Laureatorum cohors non altero  
Te debuit beare laudis munere,  
Quam quod Sacrata connotarent præmia,  
Tuæ indoli sic debita, & scientiæ.  
En quam innocentis pectoris modestiâ!  
Morumq; præclaris renides dotibus!  
Jouis coronâ cingier dignissimus;  
Quam prisca quondam seculorum antiquitas  
Ignara fastus, prætulit regalibus.  
Hac tu coronâ cinge frontem candidam,  
Cætus sacrati dulce germen: Candide  
Ocellæ Phæbi. Te Camænarum cohors  
Jam cuncta suspicit, manusq; dulcibus  
Plectris adaptant; ipsa Præses Craciæ  
Scholæ Minerua Te reuincit esculeo  
Serto: quod æui Symbolon fert aurei,  
Mentemq; casto corde quod circumferas  
Præsignat auream. Proin iustissimè.  
Magnus Deorum Te coronat verticis  
Sui decore, ceu futurum sacri  
Perenne STAWIARSKI decus quondam ordinis.



IV. V. D. STANISLAO MICHNIEWIC, Crac.

CORONAM SOLIS, deuouet Vates Entheus.

Deducitur ab illo Roberti Scotiæ Regis euentu, qui Apuliâ occupatâ reperijt  
statuam Coronâ redimitam cum inscrip. Kal : Maij, Oriente Sole aureum ca-  
put habebo. Quidam e Thracia primâ die Maii, notatâ umbrâ, quam da-

bat caput statuæ ad ortum Solis, reperit ingentem thesaurum.

Bonfin. dec : 2. lib. 2.

LEMMA. Exorior Phæbo.

J Dæa non hîc marmora cernimus,  
Pictis reuinctas non statuas Mitris;  
Virtutis hîc stat viua imago,  
Castalidûm redimita Laurus.

Eunte Maio clarius ut Pater

Vultus per orbem criniger explicet ;

Non est quod expectes, ut umbra

Barbarici notet omen auri.

Non unde captes Threijcium penu

Solerte curâ, sapius exigens.

Recludat ut tellus latentes

( Quas prohibet ) referare gazas. •

Ipsò bicornis lumine Cynthia,

Magis coruscat lumen amabile

Virtutis, ambiens fodinas

Interius pretiosiores.

Quos Dux Stagyræ repperit anxius,

Et quas Senatûs cura Academici

Cognouit in Te, examinando

Nobile depositum laboris.

Ergò Coronâ clarus Apollinis,

Auri nitorem sparge per Inclytos

Cract



*Crati Penates, nec sub umbrâ  
Viue dein; sed orire Phæbo.*

V. V.D. CASIMIRO JOANNI BRZYKWINSKI,

CORONAM ILIGNEAM offert Poëta.

*Romanis erat magnum virtutis decus ex Arbore Ilice, de cuius folijs Poëta  
mella stillare aureis illis Saturni temporibus commenti sunt; ut scribit Ouid.*

*Lib. I. Metam. Flauag. de viridi stillabant Ilice mella.*

LEMMA. Jlex plena fauis venturæ præscia Laurûs.  
*Claud. de rap. Profer. lib. 2.*

O Ptima te tetigit fors, Optima.

Jmò & sèrta mereris,

Optima mi JOANNES.

Optimus Aoniæ Cuius domûs,

Sacro munere vinctus

Arboris, auspicata

Hoc Tibi Pallas adest cum præmio,

Suadam mellisui oris,

Mellisfuâ coronans

Ilice: quâ potior sis Romuli

Augustiq; triumphis,

Laudibus & Camilli,

Ista tenent nitidum te munera.

Virtus ista meretur,

Plena fauis Mineruæ.

Delicium Charitum, Stœ iubar,

Et suada es Ciceronis,

Condita melle dulci.

Præsciit hoc Tua munus Laureæ

Docto fontis ab aluêo,

Nectare plena Phæbi.

B

Sic



Sis igitur docili cum munere  
BRZYKWINI viridantis  
Incola Magne Pindi.

VI. V. D. CASIMIRO JOANNI HORNASKI,  
CORONAM HEDERACEAM Donat.

*Hanc fuisse Poetarum insigne placuit Horatio. Tali Coronâ redimitum Alexander Magnus ex Indijs reduxit exercitum, Plin. 16. cap. 34. Est autem nihil præstantius, si cum Lauro teratur, gratum enim ignem excitat, ait Plin; lib. 16. cap. 40.*

LEMMA. Te doctarum hederæ præmia frontium  
Dīs miscent Superis, Horat. lib. 1. Ode 1.

R Oscida Pierii qui carpis ferta vireti  
Aut Heliconæ scandis,  
Inq; sacrum Lauri nemus, Aonidumq; Sororum  
Adproperas in umbras,  
Cur hederam sortire? Hederæ est gratissima Iaccho  
Primaq; ei corona.  
Pieridum vesana lues, Phæbiq; sepulchrum,  
Bacchica ferta sunt hæc.  
Gloria Pelei iuvenis Laudata per orbem,  
Si tibi pectus alium  
Excitat; auripotentis quam cesserat India, magnis  
Iam Macedum triumphis.  
Hoc equidem volupe est, sed Te capit armipotentis  
Auspicium Mineræ.  
Otia Lenæi ventosaq; vela Thraſonis  
Te procul esse novi.  
Nec bene conveniunt Bacchus, Bellona, Minerva,  
Atq; hederæ corona.  
At si laurigeri non spernis ferta decoris  
Quæis Tua Musa præstat.  
Excutiunt tremulas Lauri Parnasside trita  
Igne micante flammæ.

Marcida



Marcida cum foliis sustollunt colla caducis,  
 Dantq; decus Poëtis.  
 O quæ, delictum Phæbi, Te fama loquetur  
 Liberiore buxo?  
 Num Tua nos fugiunt. HORNASKI dogmata Musæ,  
 Quin hederâ notentur?  
 Ad Cytharæ numeros pronus, Suadæq; Sophiq;  
 Pulcher honos haberis.  
 Quid lauru tritâ crepitantem sistere flammam  
 Cogis? ad astra rendat,  
 Tendat & illa Tui capitis laurumq; hederamq;  
 Irradiet virentem.  
 Gloria Teq; ferat Lechico super orbe perennis  
 Altiùs ad coronam.  
 Princeps ergò Tui sis opto gloria Phæbi,  
 Laurigeriq; cætus.

VII. V.D. MARTINO DRYAKOWIC, Craç:

CORONAM ARIADNES dicat Poëta.

*Hæc erat nexa è flore qui vocatur Theseus, de quo Theophrastus: quam  
 muneris ergò Ariadne à Theseo cui nupserat acceperat: & ab eodem  
 inter Phenomena Cælestia cum corona referri meruit. De quo Proper:  
 lib. 3. Testis Sydereæ torta corona Deæ.*

LEMMA. Hunc ex Ariadnæo sydere nosse potes.  
 Quid. 5. Fast.

Jllatum superis Numine prospero  
 AVGVSTVM nitido corpore credidit;  
 Cæli posteritas quòd pia viderit  
 Circumferre faces. Sic Phrygius puer  
 Aspectu roseo promeruit polos.  
 Sic dici meruit Nobile Gnosias  
 Sidus, Tyrfigeri munere Numitis.  
 O quot DRYAKOWIC optime Te ambiunt



Virtutum species! quot Tibi nobiles  
 Augusto resident pectore Gratia!  
 Si quot possideas indole fertili  
 Musas; tu referas tot diademata,  
 Deberet pietas cedere Dardani,  
 Numæ Relligio, Candor Aristidis.  
 Pallas docta suum, magnus Apollo quem  
 Dicunt; quem Charites delicias suas;  
 Nectentes manibus ferta virentia.  
 At nunc Coelicolum quod tibi lucida  
 Donum tecta ferunt; fume; micantibus  
 Cinctam Sideribus, virginei mitram  
 Fulgentem capitis, Daphnide Gnosiâ,  
 Quæ latè rutilis fulgurat ignibus.  
 Hæc Te jam faciet per Superum sacras  
 Præfulgere domus. Gnosiacum velut  
 Sidus mille faces projicit aureas.  
 Cui Tu perpetuis æmula laudibus,  
 Mansuræ referes Nomina gloriæ;  
 Musarumq; Chorus, Te redolentibus  
 Sertis conspicuum, Craciacis dabit  
 Spectandum Cathedris, omine dextero.

VIII. V. D. MARTINO MIELICKI,

CORONAM OLEAGINEAM offert.

*Arbor hæc Minervæ sacra erat, teste Plinio, lib. 2. Georg. Palladiâ gau-*  
*dent Syluâ viuacis Cliuæ. Hæc Coronâ Athenienses victores suos*  
*coronabant. Plin. lib. 15. c. 4.*

LEMMA. - - - Honos est  
 Undique decerptam fronti præponere Oliuam.

Horat. lib. 1. Ode 7.



**Æ**tas arboribus præca virentibus  
 Pinxit continuò Numina singulis.  
 Laurum Latoides; Aonio Patri  
 Frondes Esculæ scripserat arboris.  
 Cyprum myrthus habet. Frugibus optimis  
 Est fecunda Ceres. Sed Deus Arcadum  
 Pinum iure suis poscit honoribus.  
 At sertum quoties perspicio tuum  
**MIELICKI**, teneræ sentio Palladis  
 Curam, bacciferi voluere germinis.  
 Sed Te vel teneat Mater Athenea  
 Pallas; vel subeas Tu iuga Phocidos;  
 Certe! virumq; Tuæ debeo Laureæ.  
 Verè Cecropiæ Tu soboles Dæ.  
 Te Pallas genuit. Pallas habet suum.  
 Et Tu belligeræ munia Palladis  
 Implēsti; Lechicum diu Tua Principem  
 Ovis concelebrat Gratia mellei;  
 Quod Moschi rigidis arma Trionibus,  
 Victricesq; Aquilas, signaq; prospera,  
 Volgæ, barbaricis partibus inferat.  
 Ergo utroq; potens, sis tuæ amor Dæ  
 Signo conspicuus Pallados arboris,  
 Ingressurus ouans in penetralia  
 Musarum. Hac vireas perpetuò arbore.  
 Virtutes oleæ si referas Tuæ;  
 Nunquam cum folijs arboris occides.

IX. V. D. THOMÆ NYKOWSKI,  
 CORONAM GRAMINEAM, dedicat.



*Ex gramine necti suevit; & erat spectatissimum virtutis insigne, omnibusq; omnium de coronis Scriptorum iudicio nobilissima, Rosin. Gen. die: lib.*

*2. cap. 10. Hinc statim 6. Theb. Proxima gramineis operosior area fertis.*

LEMMA. Fortibus ac doctis meritò Orbis porrigit herbam.

**B**ellipotens famam dissectâ Gorgone-Perseus  
Restituit templis bellica virgo tuis.  
Orbe tulit toto cæsis Tyrynthius Heros  
Monstris, æternum dedecus orbe tulit.  
Ergò celebratæ retulerunt præmia Sparta,  
Dùm petijt superas gloria parta domos.  
At nunc cerno operis quæ sunt solatia nostri?  
NYKOWSKI munus quod manet acta tua?  
Cinxerat innumerum iuuenilia pectora virus.  
Vrtica vt viridem feruida cingit humum.  
Irrepère animum vitij denso agmine monstra;  
Hostis vt immissus manibus esse solet.  
Pallade quid faciat satus alto robore miles?  
Non animum passus morte perire suum;  
Ipse sed arrepto perstrinxit acinace Lernam  
Pestiferamq; tulit Gorgonis arte luem.  
Mascula virtuti donauit pectora; moxq;  
Innocuas studij iussit adesse Deas;  
Doctrinæ vario firmans præcordia cultu.  
Effecit mentis Libera tecta suæ.  
Non equidem Pænus, non sic Catilina furore  
Feruēt; vt internè si ferus hostis adest.  
Fulmina bellorum Scipiones, quid peto habetis?  
Vt victrix vobis gramina Roma ferat?

Hæc



Hæc potius doctis insignia cedere fas est  
Ritè THOMA Tuus hæc; nunc mage poscit honos.  
Rumpe moras, frontemq; exporrige, porrigit herbam  
Ornatura Tuum Laureæ nostra caput.

X. V. D. ALBERTO MACHCINSKI,

CORONAM QVIRINI porrigit.

*A Romanis in Æde Cereris è spiciis nexa, appensa fuit hæc Corona, ut  
Horat: Lib: Epod: testatur: Spiceâ donet Cererem Coronâ. Pri-  
mus omnium Romulus cum cæteris fratribus Arualibus ab Acca  
Laurentia tali Coronâ donati sunt.*

LEMMA. - - - Trabeam, & diadema Quirini  
Et Fasces meruisti. *Iuven. Sat. 8.*

**Q***ui Tuis Sacram meritis Coronam  
Inspicit prudens oculis, notatq; ;  
Iure deberi Tibi Laureatum  
Censet honorem.*

*Vber hic fructus Charitum fauore  
Prodiit; pinguisq; scientiarum  
Messis, ad mentem egregium colonum  
Lætificauit.*

*Fertilis docto sua sit Columbo,  
Nuper inuenta Hispaniola Ponto;  
Sæpè granorum referente spicâ  
Millia bina.*

*Quæ Tuæ menti docili dedere  
Grana doctrinæ, Aonides sorores  
Docte MACHCINSKI, mage ditat ingēs  
Copia Musas.*

*Fundis insignem per amœna sandi*

*Copiam*



*Copiam præta. Ingenio stupendus,  
Vt subiisse haud te doleat Minervæ*

*Arua Polonæ.*

*Spiceo primus redimire serto  
Romulus sœvit caput; ista non Tu  
Arduo curas animo, sat amplo  
Munere plenus.*

*Quod Tibi tantum decus in Corona  
Euenit, quantum placuit Minervæ,  
Iure tot Musas sapiens, quot insunt  
Grana Coronæ.*

*Ergo laudati Trabeam Quirini  
Sume nunc Latus, diadema, fasces  
Omne victricis decus ipse gentis,  
Dignus habere.*

**XI. V. D. MATTHIÆ STANISLAV ZYGMVNTOWIC**

*CORONAM HYACINTHINAM Dedicat.*

*Ex Flore Apollini sacrato Hyacintho Stat: lib. 2. Erat Hermoniensibus  
in Sacris Chthoniæ Deæ, vsitatus Coronis hic flos teste Pausania. De quo  
Rodig. lib. 27. c. 26. unde Apollo Hyacinthum sic affatur.*

**LEMMA.** *Semper eris mecum, memoriq; hærebis in ore.  
Apud Ouid: lib. Metam: 10. fab. 5.*

**T**E quoque condigno cinxit cum Lemmate serto  
Phæbus, Pegasei gloria magna chori.  
ZYGMVNTOWIC amor, genuinaq; cura Mineræ  
Craciæ, & Clarij vera propago DEI.  
Quæ capis, Actiaci fuerant lectissima Vatis  
Munera: pars Phæbi flos Hyacinthus erat.

**Sed**



Sed quæ virtutum ? quæ gloria pulchra Tuarum  
 Sit dotum ? quam non Flos tener iste notet ?  
 Est in odoriferis flos hic gratissimus herbis :  
 Est tua Castaliæ Laureæ grata Deæ.  
 Est decus Elfijs splendens Hyacinthus in hortis ;  
 Docta nitent Charitum dum colis arte juga.  
 Inscriptos folijs Hyacinthus pandit amores  
 Phæbi : qui inscripsit pectora docta tibi.  
 Sacra Dijs solitus pulchris ornare coronis :  
 Ipse tibi Phæbus, jam sua ferta dedit.  
 Semper eris Phæbi, memoriq; hærebis in ore ;  
 Fronte corona, Tuo pectore Phæbus erit.

XII. V. D. FRANCISCO ANATHIDI,  
 CORONA NEMEA.

*Nectabatur ex apio, cui honor erat in Achaia coronare victores sacri cer-  
 taminis Nemeæ. Plin. lib. 16. c. 13.*

LEMMA. Gaude Palladiæ Te apium meruisse Coronæ.

Vittatos Nemeæ desine vertices,  
 Enarrare pio carmine tibæ,  
 Sæcli prisca vetustas.  
 Non sic fulget bonoribus,  
 Quisquis magnanimis irruit ausibus,  
 In fatale necis funus ; & aspera  
 Fortis pertulit Heros,  
 Magnis prælia nisibus.  
 Maior Pierijs parta laboribus  
 Merces, emerita nectitur indoli,  
 Cum doctâ sibi fronte  
 Æternum peperit decus.



Oblitusne Tui Nominis ? Incluta

O docta soboles Pegasidum Dee ?

Ni Te digner honore,

Sacri praelij **ANATHIDA**

Victor ; cui domita est Hydra periculis

Centum, tot vitiorum. Hinc Tibi protinus

Acclinata modestis

Assurgunt iuga laureis.

Ergo perge, nouis Tu quoque honoribus

Dum Te sacra manus cingit Apollinis ;

Augustum specioso

Præcingens apic caput.

XIII. V. D. JOANNI G E Z I C K I,

CORONA SYMBOLICA.

Bion Boristhenites, cum graui morbo decumberet iussisse perhibetur, præ foribus domus sue geminas imponi coronas, alteram ex Rhamno, alteram ex lauro textam, quo facto indicabat, cum qui vellet possidere Laurum Sapientie, per spinas laborum tendere debere & Rhamnum patientie.

Laertius in votis Philos.

LEMMA. Conjunctim retinentur vtræq;.

**R**Es arcana latet, lauri sacrata quod inter  
Serta, acres spinas misceat vna tibi.  
Grata dedit cunctis ; Tu cur ingrata tulisti ?  
Æqua fuit cunctis ; sed minus æqua tibi.  
Gramina vitamus, quando latet anguis in illis,  
Pungit te spinis, dum legis vngue Rosam.  
Tuque venenatam vitabis fortè Coronam,  
Ne capiti faciat vulnere, spina tuo

Parce



Parce precor ! capitis decus est, hæc, Magne GEZICKI,  
 Spina labor tuus est, Laurus honoris opus.  
 Peruia non adeò hæc Laurus, facilisque fuisset,  
 Ni Tibi sollicito parta labore foret.  
 Hæc Diuæ Themidis sacrum penetrare volumen  
 Te faciet ; capiti fac sit vt apta Tuo.

XI V. V.D. CHRISTOPHORO FRANCISCO SOWINSKI

CORONAM PALMEAM Dedicat auctor.

*Ex Arbore Musis sacrata referente Iust : Lips.* Inclyta Palladiæ aspiras ad præmia palmæ. *Licet autem palmarum coronarum usus fuerit rarior, non repugnat tamen, ex ea sertum fieri posse : imò in certaminibus sacris, alias quidem viritim, at palmeas uniuersim dari solitas fuisse Coronas, dicit Cælius. Rodig. lib. 5. ant. Rom.*

LEMMA. Vendicat ipsa viro dulcis facundia palmam.

Sabell. Poëta.

**T**Orquetur vario texendi Musa coronam

Dum mea consilio ; longasq; recurrit ad artes ;

Ingenium, dotesq; Tuas dum Magne SOWINSKI

Fertq; refertq; animus : nondumq; exacta voluntas

• Quid faciat ? contexet quid tantâ indole dignum ?

Ecce mihi tardo dulcis Polhymnia gressu

Ante oculos stetit ; Et roseo ore, en accipe ! dixit :

Hanc capiti mihi dilecto fac pone SOWINSKY.

Suspicio ! viridis palma tulit illa Coronam

Arte laboratam celesti, atq; annuit ipsi.

Quo Dea, quo Tua Te virtus dignata SOWINSKI,

Hoc ego nunc Musis sacratum dignor honore.

Accipe dona Tibi ; dulcis facundia quæis Te

Condorcorat ; palmamq; Tui præferre laboris,



*Sit Tibi pulcher honos ; sit laudatissima merces,  
Quæ Tibi perpetuo vireat speciosior ævo.*

XV. V.D. LAVRENTIO WESOLECKI.  
CORONA PÆSTANA

*Hanc Musis offerri consueuisse adnotat Calius lib. antiq. lect. 27. cap. 26.*

*Hinc Mart : lib. 1. Pæstaniæ rubeant æmula labra  
rosæ.*

LEMMA. Pæstana excedunt laurea ferta Rosæ.  
*Pamph.*

EXPECTEM varijs quoad  
Æstas luxurians floribus, adferat,  
Sertis materiam meis ?  
Quæ apponam capiti WESOLEVI Tuo,  
Magnum insigne Laboribus,  
Testemq; ingenuo pectori & indoli.  
Virtutum sed amabilis  
Hortus nobilium, cum vario Tibi  
Morum flore decoro adest.  
Hinc iam purpureas colligere in Tua  
Fas sit ferta mihi, Rosas;  
Quêis fulgens adeas culmina rectius  
Parnassi : atq; scientiæ  
Fontes ore pio dulcius haurias.

XVI. V.D. REMIGIO ANDREÆ SVSZYCKI,  
CORONAM ISTHMIACAM deuouet Poëta.

*Ex ramis Pini, Cybele Deorum Matri sacram : de qua Virg. lib. 9. Pineæ  
sylua mihi multos dilecta per annos. Erat autem summi honoris insi-  
gne, quas coronas in ludis Isthmicis, ad Neptuni delubrum inter Ægeum &  
Ionium*



*Ionium mare Theseus emulatione Herculis praefixit Plinio attestante lib:*

*16 cap. 20. Hæc Arbor cariem non sentit. Idem. Eiusdem Arboris  
corona Pani Deo tribuitur, Alex: ab Alex. lib: 4.*

*cap. 17.*

LEMMA: Et tu Sisyphio fundasti nomen ab Isthmo:

*Syll: lib: 14.*

**P**ost arduam certaminum luctam, sibi  
Hæroa virtus Isthmum poscit decus  
Nectis, probant vetustiora secula.  
Hæc una nempe dos fuit magna Indosi  
Suo potiri honore; quem casti rubor  
Tinxit cruoris. sæpè prostravit furor  
Briareum Dareæ, ut augustum caput  
Micaret ostro. Sæpè victor Hercules  
Luctatus, amplius præmiis superbius  
Tumet. Tuus num nos latet doctus calor?  
Amica Stoe cura, magne nominis  
Speiꝰ sanguis? Diua quem Themis regit.  
Dum melleâ pro legibus facundiâ  
Coram Senatu literato personas;  
Arcesꝰ amata iurium vetustaqꝰ  
Delubra conuelli, dicata Palladi;  
Momenta Regnorum, & bases firmissimas.  
Astræa nempe lacte fouit Te pio  
Dilecte SVSZYCKI. Proin Dea vocat  
Te amor colendæ. Tanta ne virtus tamen  
Honore destituta sit; Tuo volo  
Illustre fanus esse honori; Isthmiacam  
Frontis Tiaram: qualis est Magno data  
Pani Corona: hanc Entheus vates vouet  
Quæ fata nescit; Teꝰ Fastis inferat;



XVII. V.D. JOANNI DVTKOWSKI,

CORONAM CYNNAMEAM offert,  
*Coronus ex Cinnamomo, Interrasili ( seu pluribus rimis intersecto (auro  
 inclusas, primus omnium in templis Capitolij & Pacis dicauit Imperator  
 Vespasianus, teste Plin: lib. 12. c. 9.*

LEMMA. Inclyta per quasuis redolet sapientia rimas.

Effeta priscl Nomina seculi,  
 Et peierantis monstra proteruiæ.  
 Exeste; sueta olim profanâ  
 Futilium simulacra Djuûm  
 Ornare Iauru. vos diademata  
 Fertis Deastris, poplite supplici,  
 Arasq;. Panchæis Coronis  
 Thureq; vos colitis Sabæo.  
 Arce profanum Phæbe piaculum,  
 A sanctioris mentibus ordinis;  
 Non saxo honos sit; sunt aperto  
 Pectora candidiora cœlo.  
 Est æquitatis, peruigil atq; amans  
 Pubes Honesti; Rectius indoles  
 Præstans meretur destinatum  
 Ingenio capitiq; cultum.  
 Hoc eruditum poscit Atheneum  
 Hoc festa passim vota Quiritium  
 Vouent coronari; anxias vt  
 Gratus odor recreare mentes  
 Honorq; possit. Mulcet amænus  
 Conchyliatâ Cinnamomum aureæ  
 E luce rimæ; quod Deastris  
 E folio dicat Imperator.

Sed



Sed non profanis auget honoribus  
Te Musa Craci, dum Tibi cinnamita  
Offert odorata, & fragranti  
Pulcher honos redimit Coronâ  
Musis amicum pectus, & indolem  
Maturiorem, quò redolentibus  
Spires scientiarum odorem  
Doctaq; dogmata Cynamomis.

XVIII. V.D. ADAMO NICOLAO JARONSKI,  
CORONA PANACEA offertur.

*Aurelianus Imperator coronas confecit de Panibus, qui Saliginei diceban-  
tur: Voposco attestante in eius vita.*

LEMMA. Gloria Musarum est, quò doctos Pane coronent.

ET Te Pierij fors bona Climatis,  
Inter doctiloquos Castalidum choros  
Legit, fertilibus dum Tibi adcreis  
Frontem Musa reuincit.

IAROVI, soboles intima Palladi,  
Dignus Panaceo symmate cingier  
Duleis Pegasidum fautor, & unice  
Docti pectoris hospite

Virtutis solidus cultor, & artium.  
Gaudet Palladium se speciosius  
Incingi caput; & tollere nobilem

Gessit frontis apex Mitram  
O quam dulce solum diuitis ingeni!  
Quam facunda seges pullulat vberis  
E docto genij vertice: quam Tua  
Versat lux sapientia !!

Ergo



Ergò conspicuae munera Palladis,  
Lætus fertilium prendere germinum  
Sertum fac citius, quod Tibi nobilis  
Sudor parturit ingeni.

XIX. V.D. ANDREÆ AVGVSTINO CZYRZYCKOWIC

CORONA CÆLESTIS offertur.

Vulgò dici solet Halo qui collucens ex Sidere emicat, Arist: tom: 3. pag.  
374. Aliter vocatur Circulus albicans circa Solem aut Lunam, Idem L.  
Meteor. lib. 3. c. 9. Plinius tamen Coronam vocat, quòd Sidus quod-  
libet circulariter redimit.

LEMMA. - - - - - refers  
Radiosa morum Lumina Sanctorum. Mant.

CLara CZYRZYCKI Charitum propago,  
Atq; Cyrrhæis amor ipse Musis,  
Delphici cætus adolesce nostris  
Gloria plectris.

Ista Te pridem decuit corona,  
Quæ relucens specie nitoris  
Panderet cunctis NITIDA INNOCENTVM  
LVMINA MORVM.

Cui decor frontis, niueaq; candor  
Mentis interpres, faciles recludit  
Oris aspectus, reseratq; cunctis  
Pectus eburnum.

Tum probi mores, agilesq; Suadæ  
Atticæ motus, grauiorq; iustò  
Sermo subtili micat ore, Phæbo  
Digna perorans.

Inde vireutum pia turba, claram

Explicet



Explicet Lucem, radiesq; cultis  
Moribus, Musæ decus & coronæ  
Splendor amænæ.

Ite selectâ sociæ cohorte,  
Ite virtutes, cumulate Laurus,  
Atq; festiuis resonare plectris  
Lætæ Camænæ.

XX. V.D. JOANNI CHRYSOSTOMO WIDYNSKI  
CORONA STELLATA dedicatur.

*Quam circa Solem fuisse visam tempore Augusti memorat Paradeianus. Et  
Quinct. Poe. facit mentionem, Strinxerat auratos stellata Corona  
Capillos.*

LEMMA. Stellis inferere & consilio Jouis.  
Hör. Carm. lib. 1. Ode 1.

**Q**uis ille casto Sicelidum choro  
Semiscet? amplum stelliferæ decus  
Sedis; renidens fax Olympi,  
Astriferiq; iubar Trimis?

Agnosco: gentis prodiga gloriæ  
Vidynsciame sunt diademata,  
Claroq; virtutis serena  
Lumine subradians corona.

Hæu si tenellum Cynthia Latmium.  
Insculpsit astris, debita Calice  
Mathesæos scientiæ dans  
Munera, stelliferas Coronas,

Si quod polorum Cælipctens Atlas  
Calleret artem, sydera brachijs  
Narratur altis sustinere,  
Ætheriasq; domos tueri.

D

Qui



*Quo Te locabo sydere prosperum?*  
*Aut quo decorum nunc diademate*  
*Reddam Matheſeōs peritum*  
*Vraniæq; caput ſacratum.*  
*Ingreſſus arcis Limen Olympia,*  
*Potire felix CONſILIO IOVIS*  
*Stellis WIDYNSKI, ſedibusq;*  
*Culminis Empyreī inferende.*

V. D. IOANNES LOCHMAN,  
 V. D. BLASIO IGNATIO KRAVZOWSKI  
*Concandidato ſuo chariſſimo Coronam Gymnicam in cenſum gra-*  
*titudinis offert.*

De hac antiquitus Poëtæ in agonibus, ingenij viribus certabant  
 reſte Ioan: Roſin: antiq: Roman: lib. 5. c. 8. Sic Coryma Poëtrix cum  
 Pindaro dicitur contendiſſe, & victrix Thebis euasi. Sic Heſiodus cum  
 Homero certauit, quo ſuperato Epigramma cum Tripode in Helicone  
 poſuit. Alex. ab Alex. lib. 6. cap. 29.

LEMMA. - - - Sumptam de fronte Coronam  
 Emeritis immiſit. Ouid lib. 1. Metam. fab. 8.

**P**RENDE KRAVZOWSKI ſtephanoma clarum;  
 Dux Camenarum tibi Phæbus ipſe  
 Letus applaudit, caput ornat amplo  
 Agmine florum.

Debitam Pallas meritis coronam  
 Neſcit, ut victor celebres triumphos  
 Hoſtibus fuſis, domitisq; monſtris  
 Marte ſecundo.

In graui virtus ſtadio, labores  
 Pertulit ſummos Tua, cum doloſum  
 Otium vicit, viridi Iuuentæ  
 Exitiale,  
 Turpe portentum, ſclerum parentem,



Et nimis euam superauit Hydram,  
Quæ bonas mentes Iuuenum cruentat  
Nempe voluptas.

Vicit ignauum pecus, & furentes  
Cordis angores, inimica tandem  
Sustulit Musis, genijsq; doctis,  
Tædia longa.

Ergo KRAVZOWSKI cydarim virentem,  
Quam tibi desert Charitum corona,  
Et phalanx formosa nouem sororum,  
Prende, quid obstat?

Ipse Pimpleæ dominator aule  
Phæbus, ad culmen vocat altum honoris,  
Et viam monstrat, modò promptus adsit  
Pectoris ardor.

Ars opes pulchras tibi comparauit,  
Dum Caballino tua labra fronte  
Irrigat, dulces ut ab ore fundas  
Nectaris undas.

Et parens natura tibi benigna,  
Subministravit pretiosa dona,  
Ingeni vires, celeresq; motus,  
Mentis acumen.

I bone, & quo te Tua summa virtus  
Allicit, pulchrâ redimita lauro,  
Grande laturus Patriæ iuuamen,  
Præmia, quid stas?

Serta largitur pretiosa nobis,  
Serta, magnorum decus hæc laborum,



*Serta, virtutis, monumenta certa,*

*Serta, triumpho.*

*Nunc coronato tibi reddo vari  
Gymnicum sertum, mea, quod Minerva  
Elaboravit, precor ut sereno*

*Pectore sumas,*

*Quidquid affectus meus explicavit,  
In bonam partem mea vota sume,  
Candidi verax, animiq; grati  
Symbolon hoc est.*

V. THOMAS NYKOWSKI  
V.D. BLASIO JGNATIO KRAVZOWSKI

*Symbolum boni affectus contestatur.*

**D**VM varias neſtis variâ de fronde coronas,  
Et ſatagis noſtrum condecorare caput.

Hos tibi vernantes flores, & ſuaue rubentes

Aût Chloris, Florum contulit alma Parens :

Aût hortus dedit Hesperidum nitidiſſimus auro :

Aût Pæſtum, roſeo tradidit è gremio :

Aût dedit inſignis gemmis viridantibus Hybla,

Aût miſit ſuaues dulcis Hymettus opes :

Aût fors Alcinöi formoſa vireta dederunt :

Aût quos, in manibus, pulcher Adonis habet.

Vt verum fatear, flores hos doctus Apollo

Ex Helicone tulit; debita dona tibi

**KRAVZOWSKI** referet pro tanto digna labore,

Præmia Doctorum laurea ſerta virum.



IN STEMMA  
ALMÆ VNIVERSITATIS CRACOVIENSIS



Regia Sceptra vides, quæ Regia Fascia cingit,  
Regia nam res est, quam duo Sceptra regunt  
Regia respicias, Patriæ, seruire Deoq;  
Donec stabit humus, Sceptra vigere dabit,  
*Adrianus Krobski, Ph. Aud.*





*SVB FELICISSIMIS AVSPICIIS*  
**MAGNIFICI PERILLVSTRIS.**  
**ET ADMODVM REVERENDI DOMINI**

**ANDREÆ KVCHARSKI.**

**SS: THEOL: DOCTORIS ET PROFESSORIS,**  
**ECCLESIAE CATHEDRALIS CRACOVENSIS CANONICI,**  
**Collegiatæ SS: Omnium Præpositi,**

**ALMÆ ACADEMIÆ CRACOVENSIS**  
**GENERALIS RECTORIS**  
**VIGILANTISSIMI.**





SSS

S.

L.

S.

L.

SSS

SSS



